

mal glauben. Das es aber nicht jr ernst sey, ist solchergestalt leichtlich zu erkundigen. Dann so man sie fragt, ob sie glauben, wann zur österlicher zeit das heilig Abendmal auff einen tag vnd zů einer stund an allen orten der Christenheit gehalten würdt, das vnderschiedlich an ei-[248:]nem jedem ort
5 der Leib Christi gegenwertig sey? Sagen sie nein, so befindestu, das sie kein gegenwertigkeit des Leibs Christi glauben. Sagen sie dann ja, so frag du weiter, ob es auch ein warhafftiger Leib sein vnd bleiben könne, der dazumal im Himmel vnd, da er gleich nicht in allen, doch an souilen orten auff erden gegenwertig seye? Sagen sie ja, so ist offenbar, das alles, was sie wider
10 die von jnen erdichte Allenthalbenheit fürgeben, nichts dann ein lautter Arglistigkeit vnd bößheit seye, dardurch sie dem Zwinglischen Jrrthumb den weg also vnderstehn zu bereiten, das es niemandt mercken soll. Dann die öffentliche Zwinglianer sich fein rund erklärt haben, wann könne bewisen werden, das der Leib Christi zumal in zweyen orten, zumal im Himmel vnnd
15 auff Erden, nur an einem ort sein könne, so wöllen sie von der Allenthalbenheit nicht ein wort mehr verlieren. Dann kan Christus, zumal im Himmel vnnd auff Erden, mit seinem Leib an souil tausent orten sein vnd ein warhafftiger Leib bleiben, so kan er auch allenthalben sein auff die weiß, wie wir dauon gelehrt haben. Dann weder Doctor Luther noch wir haben jemals
20 dise Allenthalbenheit gelehrt, die sie vns fälschlich zümessen vnnd allein von jnen erdacht ist, da sie dann nicht wider vns vnnd vnser Lehr, sonder wider jr eigen Gedicht fechten. Sonder wir reden von dem hohen Geheimnuß, das Gott vnnd Mensch in Christo ein Person ist vnnd Christus nach seiner menschlicher Natur nicht zů einem Stuck der Rechten Gottes (wölche sich
25 nicht [249:] theilen laßt), sonder zur gantzen Gerechten Gottes gesetzt ist, wölche Rechte Gottes Allmechtige Krafft ist, darein Christus warhafftig vnd mit der that nach seiner menschlichen Natur gesetzt ist vnnd mit Gott dem Vatter alles im Himmel vnd auff Erden gegenwertig regieret; nicht die Gottheit allein, sonder der gantz Christus, Gott vnnd Mensch, von wölcher Maiestet Christus nach seiner Menschheit nicht nur den Namen vnd Tittel hat,
30 sonder warhafftig vnnd mit der That besitzt, wie vnser einfeltiger Christlicher Glaub außweiset.

Anstatt diser Maiestet dichten die Zwinglianer in allen jren Schrifften vns auff ein leibliche Allenthalbenheit, nach wölcher der Leib Christi an alle ort
35 außgespannen vnnd die Gottheit vmbzeinen³⁶⁴ solt, die vns in vnser Hertz nicht kommen, sonder in allen vnsern Schrifften vilfeltig widersprochen haben. Wölches allein der vrsach von jnen beschicht, damit sie den Christlichen Leser wider vnser Lehr verbittern, das er auff jren Jrrthumb nicht achtung gebe vnnd sich mit Worten bezalen laß, als solte es allein vmb
40 das Gedicht der Vbiquitet oder Allenthalbenheit zu thun sein, gleich als wer sonst von der warhafftigen gegenwertigkeit deß Leibs vnd Blüts Christi im

Wie man die heimliche Zwinglianer probieren soll.

Runde Bekantnuß der öffenttlichen groben Zwinglianer.

Widersprechung der falschen vnd erdichten Allenthalbenheit des Leibs Christi.

³⁶⁴ umzäunen, begrenzen.